

Tshishtaikana ut COVID-19

Etashkatsheti

Peikuau katshi tshishtaukauian, nipa tshi eka apashtan utashtamikuian mak tshetshi taian anite etatu e mitshetinanut?

Etashkatsheti : At katshi tshishtauakanit auen, kassinu auen tshika ui shaputuepanu tshetshi nashak minuinniunit eshi-natuenitakkannit, ne anu e uitakanit :tshetshi eka peshuapamitunanut ashit kutak auen, ne eka mamu epietu, tshetshi eka tananut anite e mitshetunanut, tshetshi tshikamutakanit utashtamikuian mak shukushuku tshetshi tshishtaputishenanut enuet 20 katshishipanishi.

Natu a nipa itashkakun katshi tshishtaukuian ne ut akushun COVID-19?

Etashkatsheti : Aitashkateti ishinakuan nanikutini ekuana tsheshpeuatikauin anite tshiat nenua akushuna. Aitashkatsheti apu ma kushtikuaki mak shetshen ekue eka takuaki katshi tatutshishikua. Ka kushtikuaki aitashkatsheti, miam tshipa tshi natu itashkaku, muku eka shuku ishinakuak mak pessish auen ka natukuniutshuapit.

Shetshikauini kie natu itashkakauin, aiat kie ma eka itshepanpit katshi tatutshishikua, uitamu ne ka tshishtaushk anite natukuniutshuapit ka tat.

Anu a minuau tshetshi iashuapatakanit auen tshetshi tshishtauakanit(kie ma nasht eka e tshishtauakanit auen) nuash ishipish tapuetatishuiaku menuat ma e uitshiuet ?

Etashkatsheti : Kassinu nenua tshishtaikana ne ut COVID-19 mekuat petshitinakanit ute Kanata-assit ka kutshipanitakaniti anite minuinniunit mak anite passe mishta-mitshet auenitshenat kak patshinitishuht, eshku eka nenua apashtakaniti. Uapatakanua menuati mak etussemakaki mak uatakanit mak tiapuetakanit anite Santé Canada. Tshishtaikana ne ut COVID-19 tshitshishpeuatikunu ne ut ussi-akushun pemipanit mak mak ekute tshe ut mishta-uitshikuiaku tshetshi ishinniuiaku miam ka pet ishinniuiaku e akua aitinanut.

Tshekuan ma Innuat ushkat minakanicht tshishtaikannu ne ut COVID-19 ?

Etashkatsheti : Tshishennuat mak innu-assia ishinakuanu uinuau nishtam tshetshi tshishtauakanicht, mitshennu tshekuannu nenu uet tutuakanicht. Tshipa mishta-akuikuat nenu akushunnu COVID-19 mak at kutaka Kanata ka taniti mak mishta-kushtikuannut tshetshi mishta-akushiht ne ut maniteua ka takushinniti mak aishpanit anite tshishe-utshimau-mitshuapa miam umenua mate : meshta-amatshuepaniti akushuna aishinakuaki, eka shuku tshi itutenanut natukuniutshuapa, mak eka shuku manutshenanut (miam mitshuapa, pimiutshuapa mak natukuniutshuapa).

**KASSINU AUEN TSHI
UAUITSHIAUSHIU
TSHETSHI EKA
ASHUSHKAMATSHE-NANUT
NE AKUSUN COVID-19.**

Anu ui tshissenitamini, kukuetshim ne kupaniesh natukuniutshuapit kie ma anite natshi-uapi atusseu-katshitatpatakanit Canada.ca/coronavirus.

